

mass, zweien studenten so von seiner freuntschafft, aber in mangel derer aus seinem vatterlande Traburgk in Obern Kernthenn in unserer universitet in theologia studiretten, zum besten unnd zu underhaltunge ihrer studii legirt und vorschaffet, allerhant yrrungen unnd widerwertigkeit sich erhalten unnd zugetragen, unnd aber die sache entlichen dahin gerichtet, das durch die Röm. keyserliche maiestät unsern allergnedigsten hern, radt-⁵ mannen, meistern der innungenn und gemeinheit der stat Hall, als bei denen solichs gelt hinderleget, ufferleget unnd mandirt worden, unserer universitet benante tausent gulden zusampt den hinderstelligenn vortagten zinsenn uff unsere dargethane gerechtigkeit und dhan auch vermogt, unnd zu volstreckung ihrer key. maiestät ergangenen acht-
 erklerung uber die einwoner der aldenstat Magdeburg an allen abgang förderlich unnd¹⁰ volliglich zu unserm billichen begnugenn, ungeachter ihrer brieff und siegell, so Hanns. Laue von ihnen daruber hette, die krafft ergangner acht erloschen unnd krafftloss worden, volgenn lassen, reichen und zustellenn, odir derhalbenn sich einer nauen vorschreibung mit uns vogleichen sollen, dem auch also gedachter rath allerunderthenigst nachkommen unnd solicher eintausent gulden hauptsumma halben einer nauen verschreibung¹⁵ sich mit unns vorglichenn, auch der hinderstelligenn zinss vergnuget unnd zugesagit hinfuro die zinsse, als nemlichenn funfftzig guldin ierlichen, alledieweil sie die hauptsumma nicht ablegenn, unser universitet an allen derselbenn unkosten uff bestimbte termin, als funff und zweintzig uff ostern und funff und zweintzig uff michaelis zu verrichten unnd zu bezalenn. Do entgegen habenn wir vorbenante rector, magistri unnd doctores dehn²⁰ oberwenten rathmannen, innungsmeistern und gemeinheit der statt Hall zugesagt unnd versprechenn, zusagenn unnd versprechen hirmit krafft dieses brieffs vor uns unnd unser nachkommen, das wir sie gegen meniglichen von dem oder dehnen sie dieser hauptsuma und zinsse halbenn in ansprache genommen oder angefochten werdenn, und sonderlichen gegen Hans Lauen als innehabern irer brieff unnd siegel und den auch den gewant-²⁵ schneidern der altenstatt Magdeburg, die auch an obgenants hauptsummen interesse und gerechtigkeit haben wöllen, im rechten vordretten und schadlos halten wöllen mit vorpfendung aller unserer guether, treulich unnd ane geferde. Des zu urkunt und merer sicherheit haben wir unser rectorat siegel an diessen brieff wissentlich hengen lassen, der do gegeben ist zu Leiptzigk am tage Philippi und Iacobi, der do gewesen der erste tag³⁰ mai anno tausent funffhundert unnd inn funffzigsten iare.

489.

Kurfürst Moritz entledigt den Hans Wurm einer jährlichen Zahlung von 100 Gulden Zinsen eines Capitales von 2000 Gulden an die Universität, und überträgt das Capital wiederkäuflich auf das kurfürstliche Amt und Geleite zu Leipzig.

Lochau, 1550 Juli 8. ³⁵

Hlschr.: Copiale magnum T. I, fol. 160—161.

Vonn gottes gnaden wir Moritz hertzog zu Sachssenn, des heiligenn Romischen reichs ertzmarschalch unnd churfürst, landgraff in Doringenn, marggraff zu Meissenn ꝛc.